

საქართველოს იუსტიციის უმაღლეს საბჭოსთან არსებული
სიიპ საერთო სასამართლოების დეპარტამენტი

ს ა ტ ე ნ დ ე რ ო დ ო კ უ მ ე ნ ტ ა ც ი ა

უმაღლესი ხარისხის საბეჭდი ქაღალდის

სახელმწიფო შესყიდვა

(30197630)

ელექტრონული ტენდერი

წინამდებარე სატენდერო დოკუმენტაცია შედგენილია
„სახელმწიფო შესყიდვების შესახებ“ საქართველოს კანონისა და
„გამარტივებული შესყიდვის, გამარტივებული ელექტრონული ტენდერისა
და ელექტრონული ტენდერის ჩატარების წესის დამტკიცების შესახებ“
სახელმწიფო შესყიდვების საგენტოს თავმჯდომარის 2011 წლის 07 აპრილის N9 ბრძანების საფუძველზე.

თბილისი

2015 წელი

1. პრეტენდენტმა ტექნიკური დოკუმენტაციის სახით სისტემაში უნდა ატვირთოს შემდეგი დოკუმენტები და ინფორმაცია:

ა) ფასების ცხრილი (დანართი №1-ის მიხედვით), რომლის მე-3 გრაფაში დეტალურად უნდა იქნას აღწერილი საქონლის ძირითადი მახასიათებლები (მწარმოებლის ან/და საფირმო ნიშნის (ე.წ. „ბრენდი“) მითითებით) და, რომელიც უნდა შეესაბამებოდეს სატენდერო დოკუმენტაციის ტექნიკურ პირობებს;

ბ) ანალოგიური საქონლის მიწოდების გამოცდილება (წარმოდგენილი უნდა იქნას აღნიშნულის დამადასტურებელი დოკუმენტაცია);

გ) პრეტენდენტის დასახელება, იურიდიული და ფაქტიური მისამართი, საკონტაქტო ტელეფონის ნომერი და ელექტრონული ფოსტის მისამართი, საბანკო რეკვიზიტები, ხელმძღვანელობაზე/წარმომადგენლობაზე უფლებამოსილი პირის სახელი და გვარი.

2. ტექნიკური პირობები:

შესყიდვის ობიექტია: 8 000 (რვა ათასი) შეკვრა A4 ფორმატის უმაღლესი ხარისხის საბეჭდი ქაღალდი, რომელიც უნდა აკმაყოფილებდეს შემდეგ მოთხოვნებს:

1. გრამაჟი (გრ/მ2) – 78– 82;

2. სისქე (um)– 104-110;

3. სითეთრე CIE – 148-167 ;

4. გაუმჭვირვალობა – მინიმუმ 94%;

5. სიკაშკაშე – 98-104%;

6. ზედაპირის ხაოიანობა ml/min ორივე მხრიდან – არა უმეტეს 150

7. ISO 9001 და ISO 14001 საერთაშორისო სტანდარტებთან შესაბამისობა;

8. ქაღალდი დამზადებული უნდა იყოს ქლორის გამოყენების გარეშე (გააჩნდეს ECF სერტიფიკატი);

9. ქაღალდს უნდა გააჩნდეს ტყის სერტიფიცირების დამოწმების პროგრამის (PEFC) მიერ გაცემული ლიცენზია/სერტიფიკატი;

10. არანაკლებ 500 ფურცლიანი შეკვრა;

11. ქაღალდი განკუთვნილი უნდა იყოს ლაზერული პრინტერებისათვის, ჭავლური პრინტერებისათვის, ასლგადამღები აპარატებისათვის და ორმხრივი ბეჭდვისათვის (შესაბამისი აღნიშვნები უნდა გააჩნდეს შესყიდვის ობიექტის თითოეულ შეკვრას).

1. საქონლის მიწოდება უნდა განხორციელდეს ხელშეკრულების გაფორმებიდან ეტაპობრივად - 2015 წლის 20 აპრილის ჩათვლით. კერძოდ: შემსყიდველის მიერ კონკრეტული დავალების გადაცემიდან არაუგვიანეს 3 სამუშაო დღის განმავლობაში;

2. საქონლის მიწოდების ადგილი: საქართველოს იუსტიციის უმაღლეს საბჭოსთან არსებული სსიპ საერთო სასამართლოების დეპარტამენტი. მის: ქ. თბილისი, ძმები ზუბალაშვილების ქ. №32;

3. მოთხოვნის შემთხვევაში, პრეტენდენტის მიერ შემსყიდველ ორგანიზაციაში წარმოდგენილი უნდა იქნას შესყიდვის ობიექტის ნიმუში (1 შეკვრა), შესყიდვის ობიექტის სატენდერო დოკუმენტაციის ტექნიკური პირობების მოთხოვნებთან შესაბამისობის დადგენის მიზნით, მოთხოვნის შესახებ შესაბამისი დოკუმენტის სისტემაში ატვირთვიდან არაუგვიანეს 2 სამუშაო დღეში. იმ შემთხვევაში, თუ წარმოდგენილი ნიმუში არ დააკმაყოფილებს ტექნიკურ პირობებს, მოხდება პრეტენდენტის დისკვალიფიკაცია.

4. ტენდერში გამარჯვებული მიმწოდებლის მიერ წარმოდგენილი ნიმუშის შენახვა მოხდება შემსყიდველ ორგანიზაციაში ხელშეკრულების მოქმედების ვადით.

5. ფასების ცხრილის მესამე გრაფაში პრეტენდენტის მიერ შემოთავაზებული საქონლის ე.წ. „ბრენდის“ მიუთითებლობა გამოიწვევს პრეტენდენტის დისკვალიფიკაციას ტექნიკური დოკუმენტაციის დაზუსტების პროცედურის გარეშე.

6. სატენდერო კომისია უფლებამოსილია, მოსთხოვოს პრეტენდენტს ქაღალდის მწარმოებლისგან შესაბამისი დოკუმენტის ორიგინალის წარმოდგენა, რითიც შესაძლებელი იქნება შეთავაზებული ქაღალდის ტექნიკური მაჩვენებლების დადასტურება.

7. იმ შემთხვევაში, თუ სსიპ სახელმწიფო შესყიდვების სააგენტოს მიერ, მთავრობის განკარგულების საფუძველზე, უმაღლესი ხარისხის საბეჭდ ქაღალდზე ჩატარდება კონსოლიდირებული ტენდერი და დაფიქსირდება დაბალი ფასი, ვიდრე საქართველოს იუსტიციის უმაღლეს საბჭოსთან არსებული სსიპ საერთო სასამართლოების დეპარტამენტის მიერ ჩატარებულ აღნიშნულ ტენდერში, შემსყიდველი ორგანიზაცია უფლებამოსილია შეწყვიტოს სატენდერო პროცედურები ან ელექტრონული ტენდერის საფუძველზე მიმწოდებელთან გაფორმებული ხელშეკრულების მოქმედება.

შენიშვნა:

პრეტენდენტის მიერ წარმოდგენილი შესყიდვის ობიექტის ნიმუში დაზუსტებას არ ექვემდებარება.

3. სახელმწიფო შესყიდვების შესახებ ხელშეკრულების პროექტი

ქ. თბილისი

2015 წელი

ხელშეკრულება N

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება გამარტივებული ელექტრონული ტენდერის ჩატარების შედეგად. წინამდებარე ხელშეკრულების პროექტის პირობების დაზუსტება განხორციელდება გამარჯვებული პრეტენდენტის სატენდერო წინადადების შესაბამისად, რომელიც ამავდროულად თანდართული ექნება ხელშეკრულებას, როგორც მისი განუყოფელი ნაწილი.

1. ხელშეკრულების დამდები მხარეები

ერთის მხრივ საქართველოს იუსტიციის უმაღლეს საბჭოსთან არსებული სსიპ საერთო სასამართლოების დეპარტამენტი (შემდგომში „შემსყიდველი“), მისი თავმჯდომარის მოვალეობის შემსრულებლის ბაკურ ჯიშიაშვილის სახით და მეორეს მხრივ, _____ (შემდგომში „მიმწოდებელი“) მისი ხელმძღვანელის _____ სახით, სახელმწიფო შესყიდვების კანონის და პრეტენდენტის (მისი დასახელება) სატენდერო წინადადების საფუძველზე, ელექტრონული ტენდერის ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

2. ხელშეკრულებაში გამოყენებულ ტერმინთა განმარტებები

- 2.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 2.2. „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 2.3. „დღე“, „კვირა“, „თვე“ – კალენდარული დღე, კვირა, თვე.
- 2.4. „შემსყიდველი“ – ორგანიზაცია, რომელიც ახორციელებს შესყიდვას.
- 2.5. „მიმწოდებელი“ – პირი, რომელიც ახორციელებს შესყიდვის ობიექტის მიწოდებას ხელშეკრულების ფარგლებში.

3. ხელშეკრულების საგანი

3.1 უმაღლესი ხარისხის საბეჭდი ქაღალდის სახელმწიფო შესყიდვა.

3.2. ხელშეკრულებით გათვალისწინებული შესყიდვის ობიექტის აღწერა მოცემულია სატენდერო დოკუმენტაციაში.

4. ხელშეკრულების ღირებულება

4.1. ხელშეკრულების ჯამური ღირებულება შეადგენს _____ ლარს.

4.2. ხელშეკრულების ჯამური ღირებულება მოიცავს ხელშეკრულებით გათვალისწინებული შესყიდვის ობიექტის მიწოდებასთან დაკავშირებულ მიმწოდებლის ყველა ხარჯს.

5. ხელშეკრულების შესრულების კონტროლი

5.1 მიმწოდებლის მიერ ხელშეკრულებით ნაკისრი ვალდებულების შესრულების კონტროლს შემსყიდველის მხრიდან განახორციელებენ - სსიპ საერთო სასამართლოების დეპარტამენტის ლოჯისტიკის სამსახურის შესაბამისად უფლებამოსილი თანამშრომლები.

6. შესყიდვის ობიექტის მიღება-ჩაბარების წესი

6.1. მიმწოდებელმა წინამდებარე ხელშეკრულებით გათვალისწინებული შესყიდვის ობიექტის მიწოდება უნდა განახორციელოს ხელშეკრულების გაფორმებიდან ეტაპობრივად - 2015 წლის 20 აპრილის ჩათვლით. კერძოდ: შემსყიდველის მიერ კონკრეტული დავალების გადაცემიდან არაუგვიანეს 3 სამუშაო დღის განმავლობაში.

6.2 შესყიდვის ობიექტის მიღება-ჩაბარება განხორციელდება შემსყიდველისა და მიმწოდებლის უფლებამოსილი წარმომადგენლების მიერ მიღება-ჩაბარების აქტის გაფორმებით. შემსყიდველის მხრიდან მიღება-ჩაბარების აქტების გაფორმებაზე უფლებამოსილ პირს წარმოადგენს წინამდებარე ხელშეკრულების 5.1 მუხლში მითითებული პირ(ებ)ი.

7. ანგარიშსწორება

7.1 ანგარიშსწორება მოხდება ლარებში

7.2 გადახდის ფორმა - უნაღდო

7.3 ანგარიშსწორება განხორციელდება მხარეთა შორის მიღება-ჩაბარების აქტის გაფორმების საფუძველზე, ყოველი მიღება-ჩაბარების აქტის გაფორმებიდან 15 დღეში. სახელმწიფო შესყიდვის დაფინანსების წყაროა: სახელმწიფო ბიუჯეტი;

8. ფასები

8.1 ხელშეკრულებაში განსაზღვრული ფასის ცვლილება დასაშვებია მხოლოდ შემდეგ შემთხვევებში:

ა) საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში (დაუშვებელია სახელმწიფო შესყიდვების შესახებ ხელშეკრულების ჯამური ღირებულების 10 %-ზე მეტი ოდენობით გაზრდა).

8.2 ფასების ცვლილების შესახებ ხელშეკრულების მხარემ უნდა შეატყობინოს მეორე მხარეს წერილობით, რომელიც თავის მხრივ უფლებამოსილია არ დაეთანხმოს აღნიშნულ ცვლილებას.

9. ფორს-მაჟორი

9.1. ხელშეკრულების, რომელიმე მხარის მიერ ხელშეკრულების პირობების შეუსრულებლობა არ განიხილება ხელშეკრულების პირობების დარღვევად თუ შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოებების შედეგი;

9.2. ამ ხელშეკრულების მიზნებისათვის ფორს-მაჟორი ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან მხარეების შეცდომებთან და დაუდევრობებთან და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, ეპიდემიით;

9.3. ფორს-მაჟორული გარემოების დადგომის შემთხვევაში მხარემ, რომლისათვისაც შეუძლებელი ხდება ნაკისრი ვალდებულების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ.

10. მხარეთა ურთიერთობა

10.1. ნებისმიერი ოფიციალური შეტყობინება მხარეთა შორის უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს იგზავნება საფოსტო გზავნილის სახით;

10.2. შეტყობინება ძალაში შედის ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, ამ თარიღიდან რომელიც უფრო გვიან დგება.

11. ხელშეკრულების პირობების შეუსრულებლობა

11.1. ფორს-მაჟორული გარემოებების გარდა, ხელშეკრულებით ნაკისრი ვალდებულებების შეუსრულებლობის ან შესრულების ვადის გადაცილებისათვის მიმწოდებელს დაეკისრება პირგასამტეხლოს გადახდა ყოველ ვადაგადაცილებულ დღეზე, ხელშეკრულების ღირებულების 0.1 %-ის ოდენობით, ხოლო, თუკი ადგილი აქვს ვალდებულების ნაწილის შეუსრულებლობას, პირგასამტეხლო შეადგენს ვალდებულების შეუსრულებელი ნაწილის 0.1 %-ს, რომლის გადახდა მოხდება მისთვის ასანაზღაურებელი თანხიდან გამოქვითვის საშუალებით ან მის მიერ ამ თანხის გადახდით შემსყიდველის წერილობითი მოთხოვნის მიღებიდან 5 (ხუთი) დღის განმავლობაში.

11.2. იმ შემთხვევაში, თუ ვადების გადაცდენისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 2%-ს, შემსყიდველს უფლება აქვს ცალმხრივად შეწყვიტოს ხელშეკრულება.

11.3. გადახდის ვადის გადაცილების შემთხვევაში, მიმწოდებელი უფლებამოსილია დააკისროს შემსყიდველს პირგასამტეხლო, ყოველ ვადაგადაცილებულ დღეზე გადაუხდელი თანხის 0,1 %-ის ოდენობით.

11.4. პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

12. გადასახადები და ბაჟები

12.1 მიმწოდებელი პასუხს აგებს სამუშაოს შესრულებასთან დაკავშირებული ყველა იმ გადასახადის, დაბეგვრის თანხის, მოსაკრებლების და სხვა გადასახდელების გადახდაზე, რომლებიც გადასახდელია საქართველოს ფარგლებში

13. ხელშეკრულების მოქმედების ვადა

13.1. ხელშეკრულება ძალაში შედის მხარეთა მიერ მისი ხელმოწერის თარიღიდან და ძალაშია ----- მდე.

14. დამატებითი პირობები

14.1. მხარეები პასუხს აგებენ ხელშეკრულებით ნაკისრი ვალდებულებების შეუსრულებლობისათვის და/ან არაჯეროვანი შესრულებისათვის საქართველოს კანონმდებლობით დადგენილი წესით;

14.2. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ;

15. მხარეთა რეკვიზიტები:

შემსყიდველი

მიმწოდებელი

4. დამატებითი ინფორმაცია

4.1. სატენდერო დოკუმენტაციის შესახებ დამატებითი ინფორმაციისა და განმარტებების მიღება პრეტენდენტს შეუძლია სატენდერო კომისიის აპარატში, წერილობითი მიმართვის შემთხვევაში.

4.2. შესყიდვის პროცედურების შესახებ ინფორმაცია და განმარტებები დაინტერესებულ პირებს შეუძლიათ მიიღონ სატენდერო კომისიის აპარატის შემდეგი წევრისაგან: ნაილი კბილაძე ტელ: (995-32) 292-11-89. მისამართი: ქ. თბილისი, ძმები ზუბალაშვილების ქუჩა №32 (შესასვლელი არსენას ქუჩიდან) მეორე სართული, სსიპ საერთო სასამართლოების დეპარტამენტის სახელმწიფო შესყიდვების სამმართველო.

ფასების ცხრილი

პრეტენდენტის დასახელება _____

№	საქონლის დასახელება	საქონლის პირითადი მახასიათებლები (მწარმოებლის ან/და საფირმო ნიშნის (ე.წ. „ბრენდი“) მიითითებით)	წარმოშობის ქვეყანა	განზომილების ერთეული	რაოდენობა	ერთ. ფასი	საერთო ღირებულება
1	2	3	4	5	6	7	8
1	A4 ფორმატის უმაღლესი ხარისხის საბეჭდი ქაღალდი			შეკვრა	8000		

პრეტენდენტის ხელმოწერა _____